


“Smart bank” акциядорлик жамияти
Ягона акциядорининг
2023 йил “ 7 ” сентябрдаги
09/1 - сонли қарорига
илова



**Банкнинг айрим ички меъёрий ҳужжатларига
қиритилаётган ўзгартириш ва қўшимчалар**

2. «Smart bank» акциядорлик жамияти Кузатув кенгаши тўғрисидаги низомда (рўйхат рақами II-2 ва санаси 20.02.2023 йил):

а) 6-банд йигирма учинчи хатбошидаги “Банкнинг Тафтиш комиссияси аъзоларига” сўзлари “Банк Тафтишчисига” сўзлари билан алмаштирилсин;

б) 6-банд йигирма тўртинчи ва йигирма бешинчи хатбошиларидаги ҳамда 11-банддаги “бир ёки (уч) йил” сўзлари “уч йил” сўзлари билан алмаштирилсин;

в) 20-банд тўртинчи хатбошидаги “Тафтиш комиссияси аъзосининг” сўзлари “Тафтишчининг” сўзи билан алмаштирилсин;

г) 11-банд қуйидаги таҳрирда баён қилинсин:

“11. Банк Кузатув кенгашининг аъзолари “Акциядорлик жамиятлари ва акциядорлар ҳуқуқларини ҳимоя қилиш тўғрисида”ги Ўзбекистон Республикаси Қонунида, Банк Уставида ва мазкур Низомда назарда тутилган тартибда Ягона акциядор томонидан 3 (уч) йил муддатга сайланади.

Банк Кузатув кенгаши таркибига сайланган шахслар чекланмаган тарзда қайта сайланиши мумкин.

Қуйидаги ҳолларда шахс Банк Кузатув кенгаши аъзолигига сайланиши мумкин эмас ёки сайланган шахс Банк Кузатув кенгаши аъзолиги ҳуқуқидан маҳрум этилади, агар:

шахс икки ёки ундан ортиқ банкнинг Кузатув кенгаши аъзоси бўлса ёки аъзо бўлиш ниятида бўлса, бундан мазкур банклар бир банк гуруҳига тегишли бўлган ҳоллар мустасно;

шахснинг ваколатлари Марказий банк талабига кўра муддатидан илгари тугатилган бўлса;

Банк Бошқаруви аъзолари, унинг шўъба ва тобе хўжалик жамиятларида меҳнат шартномаси (контракт) бўйича ишлаётган шахслар ва ушбу жамиятлар бошқарув органларининг аъзолари;

Банкда меҳнат шартномаси (контракт) бўйича ишлаётган шахслар.”;

д) 12-банд қуйидаги таҳрирда баён қилинсин:

“12. Банкнинг кузатув кенгаши аъзоларидан камида бир нафари мустақил аъзодан иборат бўлади.

Қуйидагилар Кузатув кенгашининг мустақил аъзоси бўлиши мумкин эмас:

сўнгги уч йил ичида Банкда ва (ёки) Банкнинг аффилиланган шахсларида ишлаган шахс;

Банкнинг Ягона акциядори;

Банкнинг ва (ёки) унинг аффилиланган шахсининг йирик мижози ва (ёки) йирик етказиб берувчиси билан фуқаролик-ҳуқуқий муносабатларда бўлган шахс. Бунда қайси шахслар билан базавий ҳисоблаш миқдорининг икки минг бараваридан кўп бўлган суммага тенг амалдаги шартнома мавжуд бўлса, ўша шахслар йирик мижоз ва йирик етказиб берувчи деб эътироф этилади;

сўнгги уч йил ичида Банкка ва (ёки) Банкнинг аффилиланган шахсларига аудиторлик хизматларини кўрсатган аудиторлик ташкилотининг ходими;

кетма-кет олти йил давомида Банкнинг Кузатув кенгаши таркибига кирган шахс;

Банк ва (ёки) унинг аффилиланган шахслари билан бирор-бир келишувга эга бўлган шахс, бундан Кузатув кенгаши аъзосининг вазифалари бажарилишини таъминлаш билан боғлиқ бўлган келишувлар мустасно;

Банкнинг бошқарув ва ички назорат органларининг ва (ёки) унинг аффилиланган шахсларининг аъзоси бўлган шахсининг ёки сўнгги уч йил ичида уларга аъзо бўлган шахсининг яқин қариндоши ёки қуда томондан қариндоши (ота-онаси, ака-укалари, опа-сингиллари, ўғиллари, қизлари, эри (хотини), шунингдек эрининг (хотинининг) ота-онаси, ака-укалари, опа-сингиллари ва фарзандлари) бўлган шахс;

давлат бошқаруви органининг ёки давлат корхонасининг ходими бўлган шахс;

Банкнинг уставида ёки Ягона акциядор қарорлари билан тасдиқланган ҳужжатларда белгиланган талабларга мувофиқ бўлмаган шахс.


Банк Банкнинг Кузатув кенгаши таркибига сайланган мустақил аъзоларнинг реестрини юритади ва уни ўз расмий веб-сайтида эълон қилади.

Банк Кузатув кенгаши мустақил аъзоларининг реестрини юритиш тартиби қимматли қоғозлар бозорини тартибга солиш бўйича ваколатли давлат органи томонидан белгиланади.


Банк Кузатув кенгаши мустақил аъзосининг ушбу банднинг иккинчи қисмида белгиланган талабларга мувофиқлиги ўзгарган тақдирда, у Банкни ва Кузатув кенгашини бу ҳақда икки иш куни ичида хабардор қилиши шарт ва бошқа номзод мустақил аъзо сифатида таклиф этилади.

Кузатув кенгаши аъзоларининг кўпчилиги Банкка алоқадор шахслар бўлмаслиги керак, бундан уларнинг кузатув кенгашидаги аъзолиги мустасно.

Банк Кузатув кенгашининг мустақил аъзосидан Кузатув кенгашининг



бошқа аъзолари билан бир қаторда “Акциядорлик жамиятлари ва акциядорлар ҳуқуқларини ҳимоя қилиш тўғрисида”ги Ўзбекистон Республикаси Қонунида белгиланган тенг ҳуқуқлар ва мажбуриятларга эга бўлади.”.

 SMART BANK	Ro'yxatdan o'tkazildi
	Ro'yxat raqami: <u>II-2-1</u>
	Sana: <u>"7" sentabr 2023 yil</u>
	Imzo: <u><i>[Signature]</i></u>